

POTRETNAN DI HEBBE-HEBBE



Listramento di Polis a conduci na **6 Persona a keda deteni na Hebbe-Hebbe**



E accion di Ministerio Publico hunto cu Mando Policial, di por haci listramento preventivo riba hendenan cu nan ta considera sospechoso, ta duna su fruto. E accionnan aki cu a keda anuncia cu anticipacion, durante actividad di Hebbe-Hebbe di diarazon anochi, polis a detene 6 persona. Riba nan a haya varios arma blanco, droga y otro obhetonan cu no ta ser permiti pa ley. Nan tur mester a paga un bon boet, pa ser laga den libertad. E accion di listramento aki, ta sigui sigur e fin di siman aki, y no tin ningun clase di pordon.

E por ta pa ultimo biaha **Hebbe-Hebbe a bira un evento magno di nos Carnaval**

DIARAZON anochi, riba Plaza Juancho Irausquin, cu ta keda dilanti di Postkantoor na Playa, tabatin un otro Hebbe-Hebbe, organisa p'e team encabesa pa Manuel Da Silva, cu a hala sigur como 8 mil hende. Un actividad cu no tin entrada, pero cu sigur ta hala masha hende, manera a keda confirma un biaha mas. Manera ta custumber, tur aña Hebbe-Hebbe ta dedica nan actividad na un personahe cu a haci masha hopi pa Carnaval. E aña aki, a dedica esaki na John-John Flemming, kende ta yuda masha hende pa 38 aña caba. Sigur un bunita

reconocimento y na su lugar. Tabata Minister Otmar Oduber, kende ta otro Carnavalista, a haya honor pa haci entrega di e plakat na John-John Flemming den presencia su famia.

Un nota poco lamentable, tabata ora cu Manuel Da Silva a anuncia cu Hebbe-Hebbe di e aña aki lo t'e ultimo. Esaki ta debi na demasiado trabao, cu Hebbe-Hebbe ta exige di su persona. Un otro sorpresa pa tur hende tabata cu e presentador di Caribbean Weather Channel tambe a presenta pa cubri e magno evento aki.